

**KJKP "RAD" d.o.o. SARAJEVO
-VD DIREKTOR-**

**Broj: 05-03-04- /20
Sarajevo, 19.10.2020. godine**

Na osnovu člana 70. Zakona o javnim nabavkama ("Službeni glasnik BiH", broj 39/14) i člana 47. Statuta KJKP "RAD" d.o.o. Sarajevo, v.d. direktor donosi

ODLUKU

**o izboru najpovoljnijeg ponuđača za nabavku usluga servisa i održavanja vozila
VW – LOT 3**

Kao najpovoljnijeg ponuđača za nabavku usluga servisa i održavanja vozila VW – LOT 3, odabiram ponudu ponuđača „CONNECTA“ d.o.o. Sarajevo.

OBRAZLOŽENJE

KJKP "RAD" d.o.o. je dana 11.09.2020. godine na portalu javnih nabavki BiH objavilo Obavještenje o nabavci kroz otvoreni postupak sa objavom obavještenja za izbor najpovoljnijeg ponuđača za nabavku usluga servisa i održavanja teretnih vozila, sa rokom dostave ponuda do 28.09.2020. godine.

Po otvorenom postupku za nabavku pristigla je jedna (1) ponuda i to ponuda firme „CONNECTA“ d.o.o. Sarajevo.

Komisija za nabavku u toku provođenja otvorenog postupka i nakon detaljnog pregleda dostavljene dokumentacije utvrdila je da je ponuda ponuđača „CONNECTA“ d.o.o. Sarajevo potpuna budući da je ovaj ponuđač dostavio svu dokumentaciju zahtjevanu Tenderskom dokumentacijom. Ponuđač je dostavio pojašnjenje u skladu sa zahtjevom komisije a koja se odnose na usluge servisiranja i održavanja vozila koja imaju garanciju, u kojima je naveo da će vozila koja imaju garanciju servisirati i održavati ovlašteni servis „PORSCHE BH“ d.o.o. Sarajevo kao podugovarač budući da ponuđač ima zaključen Ugovor o saradnji sa ovim podugovaračem. Komisija je na osnovu gore navedenog prihvatila uvođenje podugovarača u posao od strane ponuđača.

Obzirom da se radi o otvorenom postupku javne nabavke za dostavu ponuda sa objavom Obavještenja kojim je previđeno sklapanje Okvirnog sporazuma sa jednim ponuđačem, te da je broj pristiglih i prihvatljivih ponuda jedan (1) cijeneći cijene, kretanja na tržištu i budžet ugovornog organa određen za nabavku predmeta javne nabavke od strane Komisije utvrđeno je da je ponuda potpuno prihvatljiva te daje preporuku Ugovornom organu da ponudu ponuđača „CONNECTA“ d.o.o. Sarajevo prihvati kao potpuno prihvatljivu, budući da je dostavio svu potrebnu dokumentaciju i ponudio ukupnu cijenu od 14.025,00 KM bez uračunatog PDV-a.

Smatram da je Komisija pravilno postupila kada je uzela u obzir gore navedene kriterije i kada je predložila ponudu gore navedenog ponuđača kao potpuno prihvatljivu. Iz tih razloga prihvatam prijedlog Komisije i donosim odluku kao u dispozitivu.

PRAVNA POUKA:

Protiv ove Odluke može se uložiti žalba Ugovornom organu, odnosno KJKP"RAD", u pisanoj formi u roku od 10 dana od dana prijema ove Odluke kada je podnositelac saznao ili je trebao da sazna za navodnu povredu Zakona u toku konkretnog postupka.

**v.d. DIREKTOR KJKP „RAD“
Mirsad Hošić, dipl. ing. maš.**

DOSTAVITI:

- Ponuđačima;
- a/a